

2024.2028

Qanuqtuurutiullutik Parnautiliarisimajut



Tautunnguaqtavut

Inuit Kanatamit
pivallianiqaqtummariulutit
iligiilirningitigut ammalu
nangminiqsurasualirningitigut.

Pinasuagavut

Inuit Tapiriit Kanatami
nipigijauvuq Inunnut Kanatamit
sapummiusiqtauqullugit
ammalu sivumuaqtitauqullugit
pijunnautingit ammalu
pijumaningit.



Inuit Tapiriit Kanatami Piliriarivaktangit

Inuit Tapiriit Kanatami (ITK) katujjiqatigiinguvuq Inunnit kiggaqtuillutik Kanatalimaamit. Uqaujjiigillugit sitamaullutik Inuit Angirutinut Katujjiqatigiigijangit ilagijauqataujuqutiqaqtut Inulimaanik, ITK piliriaqaqtiuvut sivummuagiaqtitti-jiunirmut inuuqatigijatta nunaligijattalu sivulliqaupautitauqusimajanginnik.

Niruarunnaqtitaullutik ilagijaujut ITK Katimajinginnut niruaqtauvakput Inungnut. ITK Katimajingit ukuanguvut:

- Iksivautaq ammalu Allavingmi Isumatammarik, Inuvialuit Aviktuqsimaningani Kuapuriisangat
- Angjuqqaq, Makivik Kuapuriisangat
- Angjuqqaq, Nunavut Tunngavik Timiqutingat
- Angjuqqaq, Nunatsiavut Gavamangat

Ilagijauullutik niruarunnaqtitaullutik ilagijaujunut, ukua niruarunnaqtitaunatik Atainnaqtumik ilagijauqatauvattut Pijutiqaqtiullutik katimajini iniaqtitaugivut:

- Angjuqqaq, Inuit Ukiuqtaqtumi Katimajingit Kanatami
- Angjuqqaq, Pauktutit Arnait Inuit Kanatami
- Angjuqqaq, Kanatalimaami Makkuktut Inuit Katimajingit

ITK angjuqqaangat niruaqtauvaktuq sivuliqtigijaujunut sitamaullutik Inuit angirutinut katujjiqatigiigijanginnut ammalu katimavigjuariaqatausimajunut ammalu iniaqisimavaktuq angjuqqaap iningani ukiunut sitamanut.

Tautunnguaqtavut:

Inuit Kanatamit pivallianiqatummariulutit iligiilirningitigut ammalu nangminiqsurasualirningitigut.

Pinasuagavut:

Inuit Tapiriit Kanatami nipigijauvuq Inunnut Kanatamit sapummiusiqtauqullugit ammalu sivumuaqtitaugillugit pijunnautingit ammalu pijumaningit.

Ilulingit

Angijuqqaamit Titiqqait	2
Inuit Nunangat Nunannguanga	3
Nalujaijaujut Pijjutingit	4
Kinakkuunivut	4
Qanuqtuurutiullutik Parnautiliarisimajut	5
1. Sanngiktitaugiarninga Inuit katinniaqsimaningit, nangminik aulatsijiuningit ammalu isumaliurunnarningit	5
2. Piusigiaqtitausimalirningit ilinniarniliriniq, aanniaqattailimaliriniq, ammalu ajurutiqaliqsimajunut pijitsirarutiksait atuinnautitauningit	6
3. Piusigiaqtitausimalirluni Inuktut uqausiup uummaqtitaugiakkannirninga, piliriniqarviuninga, mianirijauninga ammalu quvvaqtitaugiaqsimaninga	7
4. Ikajuqtuiniq atuligtitausimaliqullugit kikkutuinnait pijunnautiqarningita Inuit Nunanganni	8
5. Sivummugiaqtauluni Inuit nangminiq isumaliurunnarningita qaujisainiuvaktunit	9
6. Ikajuqtuiniq plusigiaqtitausimaliqullugit aktuqtausaraittuullutik Inuit qanuinnigitsianingit ammalu mianirijautsianingit	10
7. Piliriniujut iluikkaruqtitausimaliqullugit Inuit Nunanganni aulatsiniqarviujut ilakuuniqarviujut	11

Angijuqqaamit Titiqqait



© Jessica Deeks

Taakkua 7-ngullutik sivulliqpautitaujut Qanuqtuurutiliangusimallutik Parnautilianit pijjutiqaqput ITK piliriaksaqarninginnik aaqqiksuinirmit takuksanit, kajusitsianiaqtunik piusigiarutiksanik inuuqatigijatta inuusinginnit.

Quviasukpunga amiqqarutiqariannik ITK Qanuqtuurutiullutik Parnautiliarisimajanginnit ukiunginnut 2024-2028, titiraqtausimajut tukimuagutiksariniaqtigut qautamaat piliriarivanniaqtattinnut ukiut sitamat atuqpallianinginni. Qanuqtuurutiullutik Parnautiliarisimajavut piruqtittiniaqput atuliqtitausi-majunit kingullipaaq ITK Qanuqtuurutiullutik Parnautiliarilauqtanginnit, sivummugiarutiulilaurmata Inuit aulatsijijunnarninginnit ammalu nangminiq isumaliurutiurunnarninginnit, ilaqaqtillugit aaqqik-suinirnut gavamatuqakkut Inuit Nunanganni Maligaqutiniq, pigiaqtitausalirninginnut Inuit Surusiit Sivulliqpautitaujariaqarninginnut piliriangujunut, ammalu saqqitausalimalaurningitta Inuit Nunanganni Niqigijaksanik Pisimaliqpannirmut Qanuqtuurutiliangusimajunut.

Akuniuluaqtmuk, gavamatuqakkut sanirvaituinnaqsimalmata aturiaqallariktaminnik silarjualimaami kikkutuinnaat pijunnautinginnut angirutiusimajunit piliriaksariliqsimajalaruaminnik, tamannalu pijjuti-gillugu ilainnaaqtauqattaqsimavut Inuit angijualungmik ilakuutitausimatsutik pijitsirarutiksaujukkut Inuit Nunanganni turaangallutik aanniaqattailmanirmut, ilinniarnilirinikkut, ammalu pijitsirarutiksakut ajurutiqliqsimajunut. Taakkua Qanuqtuurutiliangusimallutik Parnautiit ilaqaqput ikajurutiulirniaqtunik aaqqigiarutiksaqaliqtittinirmi ilakuuniqarviujukkut, ammalu ilaqarlutit pilirianit ikajuqtuniartunit Inuit aulatisivallianinginnit ilanginnit pijitsirauntinginnit.


Taakkua 7-ngullutik sivulliqpautitaujut Qanuqtuurutiliangusimallutik Parnautilianit pijjutiqaqput ITK piliriaksaqarninginnik aaqqiksuinirmit takuksanit, kajusitsianiaqtunik piusigiarutiksanik inuuqatigijatta inuusinginnit. ITK-kut nautsiqtuuniaqput ammalu sapujjigiaqtiulutik atuliqtitausalimaliullugit pijun-nautigijattinnik, ammalu aturlugit silarjualimaami pilirijutiksanik turaangajunik gavamait angirutilia-gisimajanginnik atukkainirmut inuit pijunnautingit pillugit. Taakkua ilaqaqput sapujjiunirmut aaqqigiarutiksanik qanuittailmanuangagutinit attanaqtmuiniqpaanit inuqatittinit.

Uqausiqput tunngavigivavut piusituqarijattinnut ammalu kinaunnittinnut Inuulluta, kisiani attanaqtu-miiliqsimatitauvuq amisuujungniqpallianinginnut Inuktut uqallagunnaqtuit tamainni sitamaullutik aviktuqsimanirijaujuni Inuit Nunanganni. ITK kajusitittiniaqput sivummugiaqtittinirminnik Inuktut uqausiup uummaqtitaugiakkannirninganik, piliriniqarviuninganik, mianirijauninganik ammalu quvvaq-titaugiarluni piliriniujutigut ikajuqtuullutik akunniqtumut uqausivut uumaniaqatitaujunnagullugu.

Taakkua Qanuqtuurutiliangusimallutik Parnautiit pimmariguvut nalunaiqsigutiummata takusautit-sigutiullunilu Inuit katinnganinginnit sivulliqpautijaminit, ammalu sivuliqtittinnut qaujigiagutiulluniluk sivummugiakkannigutiullunilu nalunaiqtausimajunit pilirianit. Niriungniqaqpunga taakkuninga piliri-arijattinnik pijjutigisimalugit Inuit kajusititausimaniksanginnut.



Nakummek,
Natan Obed



Nalunaijaujut Pijjutingit

2024-2028 ITK Qanuqtuurutiullutik Parnautiliarisimajangit ikajurutiummata katujjiqatigiigijatta piliriaksaqaqtitauninginnut taakkununga ukiunut sitamauniaqtut. Turaarviksaqutigijaujut, pilirian-guliqsimajut ammalu saqqitausalirunnaqtut ilijauqatausimallutik taakkununga titiraqtausimajunut tukimuagutiksaummata ITK qautamaat piliriaksarivattanginnut ammalu ITK katimajinginit qaujigiaq-tauvagunnarniaqsutik qanuilingalirmangaata piliriarivalliajavut tikiutisimaliriarnittinni amiqqaruti-gillutigu Inuit turaarviksaqutigijanginni. Atuliqtitausimaningit 2024-2028 ITK Qanuqtuurutiullutik Parnautiliarisimajangita tukimuagutiksaqaqtitausimajut tautunnguaqtatinnut ammalu pinasugaktinnut.

Kinakkuunivut

Nunaqaqqaqsimajuuvugu ilitarijausimalluta Aviktuqsimaningit 35-mi titiraqsimaninginni Maligarjuaqutini, 1982. Uqausivut, piusituqarijavut ammalu inuusirijavut atavviqaqput nunagijattinnut ammalu niqigivaktattinnik angunasuarlugit niqiqarunnaqullugit ilagijavut ammalu nunaqqatigijavut. Nunagijatuqavut, Inuit Nunangat, ukiuqtaqtulimaanganiippuq Kanatami. Inuit Nunaqaqqaqsimajuuqatauvut Alaskaup ukiuqtaqtunganirmiuni ammalu Akukittuni, amiqqarutigillutigu uqausivut ammalu piusituqarijavut ungataanuaqsimallutik Kanataup kigligijaqutinginnit.

Sitamaullutik Inuit Angirutitigut Katujjiqatigiingit tukimuaktigijauvaktut ITK-mit atiliurijusimavut tallimaujunit ullumiuliqtumi angirutiliqtunut tukitaagasuaqtuvinnit Gavamatuqakkullu ukiungit 1975 ammalu 2008 akinningini. Maligatigut kiggaqtuijituanguvut Inunnit piliriniqaqatigijauullutik Gavamatuqakkunnik, ammalu ilagijauqatauvut tamarmiullutik Inunnut inugiangnirijaujunut Kanatami.

ITK timinnguqtitaulauqsimavut 1971-mi aqqiksuijuqujaullutik ammalu sivummugiaqtsijiuqujaullutik Inuit nunalirinirmut angiqatigiigasuarutinginnik, ammalu nalunaijaijuqujaullutik ammalu pisimalirasuaqujaullutik asinginnik Kanatalimaami Inuit sivulliqauputitauqujanginnik. Katujjiqatigiivut ikajuqataulauqtuq ilitarijausimalirningita Inuit pijunnautiqarninginnik ilagijauqataullutik Inuit Kanatami Pivalliajulirijikkut Katimajiralaanginnut (ICNI), pigiaqtitaulauqsimajunit 1979-mi ikajuqtiuniaqlutik piliriaqarniujunut Maligarjuaqutirinnut. ICNI-kut ilagijauqataulauqsimajut Nunaqaqqaqsimajut Pijunnautinginnut Katujjiqatigiinginnut, ikajuqtiulauqtunut pisimaliqittigiamik uqaqtausimaningit Aviktuqsimaninga 35 ilijausimaliqullugit Maligarjuaqutini, 1982. ITK-kut kajusillutik ivummugiaqtittivalliajavut Kanatami Inuit sivulliqauputitauqujanginnik ammalu pilirianguliquajaujunik pijjutiqaqtunirmiktigut, sapujjigiatunirmiktigut, ammalu qaujisainiujutigit.

Qanuqtuurutiullutik Parnautiliangusimajut

Makua turaarviksaqutigijaujut, pilirianguliqsimajut ammalu saqqitausimalirunnaqtut ikajuqtigiiklutik isumaliurutausimavut Inuit angirutitigut katujjiqatigiingujunut ammalu atuliqtitausimallutik piliriqatigiitsiaqtuullutik aqqiksuiqatigiingningitigut ITK ammalu Inuit Angirutitigut Katujjiqatigiinginnut.

1. Sanngiktitaugiarninga Inuit katinniaqsimaningit, nangminik aulatsijiuningit ammalu isumaliurunnarningit

Inuulluta katinniaqsimanirijavut anginiqpaamik sannginiqarvigigattigut ammalu aulajjaigiarutiulluni quvvaqtittisimaliriami pijunnautigijattinnik, aqqiksuivannirni aqqiqigiarutiksaniq amiqqarutigillugu ajurnaliqsimavaktunut piliriaksanut, ilaqaqtillugit aturniaqatutitigut tusaumaliqtittivannirniq amiqqarutigillugu niriunniqarvigijattinnik asittinnut. ITK sanngiliqtittigiarniaqput Inuit katinniaqsimanirijanginiq, nangminiq aulatsijiunarninginik ammalu nangminiq isumaliurunnarninginik piliriniqarnirmiktigut Kanatami maligaqutiujut, piliriangujut ammalu piliriangulirumajut ikajuqtutigiarlugit Inuit pisimalirumanirijanginnik anginiqsaujumik nangminiq isumaliurunnaqsititauqullugit ammalu nangminiq gavamaqalirunnarlutik. Piruqtittivallianiaqpugut sivummugiaqtsimaliqatittinnut Inuit-Gavamatuqakkut Piliriaqatigiingninginnut Katimajiralaatigut aqqiisimaliqullugit piliriniqarvigijaujunnaqtunik inuqaqtittinnut aturlugit pijunnautiqarnivut nangminiq isumaliurunnalirutiksattinnik, ilaqaqtillugit pijjutauliqsimajunut aulatsiniqarvuijunut maannaujumi aulatauniqatunut puraavinsuijunut ammalu aviktuqsimaniujunit gavamagijaujunut. Sivummugiaqtittiniarmijugut piliriangulirumajunik ikajurutuijunnaqtutik Inuit Angirutigijausimajutigut Katujjiqatigiigijangit ilitarijausimaliqullugit ammalu upigijaulirlutik gavamaujunit ammalu tamainnit asinginnit maligatigut pijjutiqaqtigijauninginnut Inulimaanut.



PILIRIANGULIQSIMAJUT

- Aqqiksuiniq Kanatami Inuit kinaunirmut nalunaikkutat auktajuuqutinginnik atuqtauvanniaqtunik isumaliurutiuninginnut ilagijaujunnarmangaata gavamatuqakkut ammalu asingitta pilirianginnut, pijitsirarutiksanginnut, maligaqutinginnut uvvaluunniit piliriangulirumajanginnut
- Ilinniaqtittiniq gavamaujunik ammalu asinginnik Inuit mitsaanut ammalu nunaligijattinnut, aulatsiniqarvigijattinni aqqiksuqtausimajunut ammalu pijunnautigijattinnut
- Maligarjuatigut tunngavviqatitauqullugu Inuit-Gavamatuqakkut Piliriaqatigiingninginnut Katimajiralaangit
- Ikajurutiksaaqatigiarlugit Inuit-Gavamatuqakkut Piliriaqatigiingninginnut Katimajiralaangit kiinaujanik aulatsijutiksaniq pisimalirasuarninginni sanirvaviusimalirniksanginnut ikajurutiksaulirniaqtunik Inunnut
- Sapujjigiatulutik iluikkaumik ammalu ikajurniaqatutitigut atuliqtitausimaliqullugit Inuit Nunanganni Maligaqutiit ammalu Inuit-Gavamatuqakkut Aqqiksuiqatigiinik Tunngavviqutingit
- Aqqiksuiniq maligarjuaqutitsanit ammalu maligagalaqutitsanit ikajuqtuijutiit atuinnarutiningita ammalu niurrutiuvanningita Inuit niqinginik

SAQQITITAUSIMALIRUNNAQTUT

- ☐ Kanatami Inuit kinaunirmut nalunaikkutat auktajuuqutingit siammaktitausimalirningit Inuit Angirutitigut Katujjiqatigiinginnut September 2025 sivuniani
- ☐ Pijariirlugit iluikkaullutik maligarjuaqutitsait ammalu maligagalaqutitsait ikajuqtuijutiit niurrutiqaqattarnirmi Inuit niqinginik May 2024 sivuniani



2. Piusigiaqtitausimalirningit ilinniarniliriniq, aanniaqaqtailimalirniq, ammalu ajurutiqalicsimajunut pijitsirarutiksait atuinnautitauningit

Inuuqatigijatta aanniaqaqtailimaningit ammalu qanuinnagittiarningit angijumik aulatauvut ammalu atuinnautitausimaningita ilinniarnilirinirmut ammalu aanniaqaqtailimalirinirmut nunaligijattinni. Naammanngiluaqtuuningita pijitsirarutiksaujut ilinniarnilirinirmi ammalu aanniaqaqtailirinirmi amisuni Inuit Nunanganni ilagijauqatauliqpaktut imanna ilangit ilagiingujut inuusirmiktigut ammalu kiinaujaliurasuarutigivaktamitigut aksuruluqititauvanninginnit, ammalu ilaannikkut, kikkutuinnait pijunnautingit aturnirlugutaullutik siqumitausimaliqaqtut. Inuit ajulirutiqasimajuit, inutuqait mianirijauvvingniitsariaqalitqut, ammalu asingit aktuqtasaraittuullutik inuuqatigiingujunit piluaqtumik attanaqumiliqititaujunnaqattarmata akiraqtugausimaniqtigut ilinniarnilirijjutini ammalu aanniaqaqtailimatijjutini pijitsirarutiksait ilakuuniqarningitigut. ITK piliriniqarniaqput piusigiaqtitausimaliqullugit quttingniqpaatigut pijitsirarutiksait atuinnauvviulirajaqtunik pitaqaliqullugu pijjutiuluaqtuni ilinniarnilirinirmi, aanniaqaqtailirinirmi ammalu ajulirutiqasimajunut pijitsirarutiksaujunik ikajuqtuiniqmiktigut aaqikisuisimaliriamut Inuit aulatsiniqalirutiksanginik pijitsirarutiksait pitaqalitauvanninginnik. Qaujisainiuvaktunik aturniarmijugut titiraqtasimaliqullugit ilakuuniqarviulianiktut ammalu quvvaqtitaugiasimalirlutik maligarjuatigut ammalu maligatigut aaqijijutiasulirunnarniaqtunik tamakkununga.

PILIRIANGULIQSIMAJUT

- Ikajuqtuiniq aaqikisuisimaliriamik Inuit aulatsiniqaliqullugit taimaujariaqallariktutik pijitsirarutiksaqarviujarialingnut, ilaqaqtillugit sapujjigiaqtuunirmik gavamaujut tunisisimaliqpanninginnik aulatsijjutiujunik Inuit Angirutitigut Katujjigatigiinginnut
- Pisimalirlugit kiinaujaqutiksauniaqtut ammalu ikajurutiksait nungutitausimaliqullugu puvaqlungniq aanniaqaliqpanniujuq Inuit Nunanganni tikilauqtnnagu ukiunga 2030
- Tikisimaliqittigiarlugik maligarjuatigut, maliktaujarialiqutitigut ammalu maligaqtigut aaqquimalirutiksait ilakuunniqarviujut iluikkaruqtitaullugit ilinniarnilirinirmut, aanniaqaqtailimanikkut ammalu ajulirutiqasimajunut pijitsirarutiksait
- Sapujjigiaqtaullutik atuliqtitaullugit Kanatami atugaksaqutiujunut ammalu asingit saqqiisimalirunnarnirmut pilirijjutiuvaktut pitaqaqtitsijjuvannirmi ilinniarnilirinirmut, aanniaqaqtailimanirmut ammalu ajurutiqalicsimajunut pijitsirarutiksait
- Piliriaksaujut pijariiqsimalirlugit maligatigut ammalu aulatsijjutiksaujut tunngavviqutiginiaqtanginik Inuit Nunangannit Silattuqsavqaliriamut ammalu pisimaliriarlutik maligarjuatigut naammagijausimaliqullugit piliriangulirniaqtut
- Pisimaliriarlutik maligarjuatitigut ammalu maligatigu piliriniuliriaqaqtunik atuliqtitausimaliqullugit Inuit ajulirutiqasimajut pijunnautigijangit

SAQQITITAUSIMALIRUNNAQTUT

- ☐ Maligaqtitaqaliqullugi isumaliurutiit nalunaijaqtasimaliqullugit piliriangujariaqaqtut ilakuuniqarviujut iluikkaruqtitausimaliqullugit ilinniarnilirinirmi ammalu aanniaqaqtailimanirmi pijitsirarutiksait pitaqaliqtittiniuvaktunut pijariiqtausimaliqullugit sivurngani April 2026
- ☐ Inuit Nunanganni Ajulirutiqasimajunut Qanuqtuurtiliangusimallutik Parnautiit pijariiqtausimaliqullugit October 2025 sivuniani
- ☐ Inuit Nunanganni Silattuqsavvingmut Piqujannguqtitauningit ammalu maligarjuatigut qanuqtuurtiliangusimajut pijariiqtausimaliqullugit October 2024 sivuniani
- ☐ Isumaliurutiit Inuit Nunanganni ilinniarnilirinirmut maligaqtitaqaliqullugit November 2024 sivuniani

3. Piusigiaqtitausalirluni Inuktut uqausiup uummaqtitaugiakkannirninga, piliriniqarviuninga, mianirijauninga ammalu quvvaqtitaugiaqsimaninga

Uqausiuput, Inuktut, pimmaritullarigattigu piusituqarijattinni, inuuqatigiiktuqutittinni ammalu kinaunittinni. Naammanngikkaluaqpurlu qassiuningit Inuktut uqallagunnaqtut sulī amisuujuungniipalliapmata tamainni sitamaullutik aviktuqsimanirijanginni Inuit Nunanganni, attanaqtumiiliqsunik kinaunittinnit, piusituqarijattinnit, inuuqatigiingnittinnit ammalu silarjuaalimaami qaujimanirijattinnit. ITK ikajurniaqput piusigiaqtitausalimaliullugu Inuktut uqausiup uummaqtitaugiakkannirninga, piliriniqarviuninga, mianirijauninga ammalu quvvaqtitaugiaqsimaninga aturniaqtutigit pilirianguninginni ikajuqtuijutiullutik akuniiqtumut uqausituqatta aturtaujuunnarajarninganut. Kajusitisimaniaqtavut piliriaqarnivut pisimalirasukluta gavamatuqakkunnit kiinaujaqutiksakkannirnik ikajurutiuniaqtunik Inunnit siviliqtigarlutik Inuktut uqausilirinirmi piliriangulirumajunik, ilaqaqtillugit piusigiaqtitausalimallutik Inuit nangminiq isumaliurutiurunnarningit ilinniarnilirinirnut, ikajurutiuniaqtunik turaangatausalimallutik gavamatuqakkunnit pijitsirarutiksait pitaqaliqtitaullugit Inuktut pijitsirarutiuvaimiksait, ammalu taimaulianiklutik ammalu nutaatigut ilinniarutiksaulutik titiraqtausimajut anginiqsamik atuinnauliqtitausalimallugit Inunnit. Piluaqtumik aaqquimaniqatsiaratta katiqsuavallialiriamik ammalu quvvaqtittisimaliriamut taimaulianiktunik ammalu nutaanik uqausilirinirmi ilinniarutiksanic, ammalu niurruqtaqtiuvaktunik piliriaqatigiingniujunik titiraqtausimalirunnaqullugit Inuktut uqausitta ammalu aaqqisuijutiksanic Inuktut tusamajutilirinirmi piliriaqarutiksanic.



PILIRIANGULIQSIMAJUT

- Sapujjigiaqtaulutik naammaktunik, kajusiinnaqtitaunnaqtunik, ammalu akuniiqtumut gavamatuqakkut kiinaujaqutiksaaqtittivaliullugit piliriaqarutiksanic Inuktut uqausingannik, ilaqaqtillugu kajusiinnaqtitausalimallutik ilagijauqattarniqigut atuliqtitausalimallugit Kanatami *Nunaqaqqaqsimajuit Uqausinginnut Maligaqutiit.*
- Ikajuqtursimalugit pilirianguliqsimajut pisimalirasuarnirmi Inuktut uqausirmik ilinniaqtitaualimallugit surusiit ilinnialisaatut quttingninganit quttingninga 12-nut, ilaqaqtillugit pigiaqtittisimaliriamik nutaanik Inuktut ilinniarutiksaulirajaqtunik ammalu katitausalimaliaqtillugit taimaulianiktut Inuktut ilinniarutiksait ammalu ilitsivalliajjutiksaulutik titiraqtausimavaktut qaritaujatigut
- Titiraqtausalimallutik ammalu quvvaqtitaugiaqsimalirningit piunipqaujutigut pilirijusirijauvaktut Inuktut uqausiup uummaqtitaugiakkannirninganut, piliriniqarviuninganut, mianirijauninganut ammalu quvvaqtitaugiaqsimaninganut
- Kajusititausalimallutik quvvaqtitaugiaqpanningit ammalu atuliqtitausalimallutik Inuktut Qaliujaaqpait, Inuit atausiq titirausiq pilirijutingat, Inuktut ilinniaqtittijutiuniarluni sanarrutiksarijauvaktillugu, ilaqaqtillugit aaqqisusimalirniqtigut qanuq titiraqtauvannninginnut ammalu uqarusirnut maliktaujarialiqtutunik, ammalu tukigijanginnut sanarrutilirinirmi isumagijausimajunut aaqqiisimalirnimut
- Piliriaqatigiiliqtittinirmi tukimuaktigijaulutik Inungnut ikajuqtuiniqaqtunut aaqqisusimaliriamik nutaanik Inuktut tusagaksaliriniuvaktunut ammalu sanaugaliuqpannirnut
- Sapujjigiaqtiulutik pitaqaliqtittigullugit gavamatuqakkut ammalu asingita gavamauput pijitsirarutingit Inuktut piliriaqatiguvagajaqtunik
- Ikajuqtusimalutik United Nation-kut Silarjuaalimaami Ukiut Qulinut Nunaqaqqaqsimajuit Uqausilirininginnut 2022-2032
- Ilagijauqataulutik ilaakkuungallutik qimirruiniujunut Nunaqaqqaqsimajuit Uqausinginnut Maligaqutinik 2024-mi turaarviksaqatitaulutik pisimaliriamik maligarjuatigut mianirijausalimallutiksanic Inuktut uqausiup.

SAQQITITAUSIMALIRUNNAQTUT

- ☐ Inuktut uqausingata qaritaujatigut uqalimaarvianiittuksanic katitiqtausalimallutilluni Inuktut ilinniarutiksanic ammalu pilirianguliqsimajunut pijariiqtausalimallutik July 2026 sivuniani
- ☐ Inuktut maligalirinirmi qanuqtuuruutilianguvallianingit pijariiqtausalimallutik December 2024 sivuniani
- ☐ Parnautiliuqsimallutik Inuktut akigijaujunut qaujigiaqtausimaniaqtunik Inuktut uqausiup uummaqtitaugiakkannirninganut, piliriniqarviuninganut, mianirijauninganut ammalu quvvaqtitaugiaqsimaninganut Inuit Nunanganni Aaggiisi 2025 sivuniani



4. Ikajuqtuiniq atuliqtitausimaliqullugit kikkutuinnait pijunnautiqarningita Inuit Nunanganni

Kanatamiut sarimagijaqallaringmata kikkutuinnait pijunnautiqauktuuninginnut sapujjigiaqtuunirminnik kisanilu gavamatuqakkut nautsiqtuiniqapqanngimmata uvvaluunniit atuliqtitiggiaqsimanngimmata nunarjuattinni silarjuarmiulimaani kikkutuinnait pijunnautiqarninginnut angrutiusimajunut piliriksarijanginnik. Taimannaiktuuninga ilaqaqtillugit Kanatami atuagaksanik aaqkitausimajunik pitaqannginninganik pitaqaliqtittikkannirutiuvammata Inuit asigijamikta Kanatamiungujut mikinnip-paujunik pijitsirarutiksait quttingnirivaktanginik atuinnauiuvanninginnut ammalu ilainnaqtauvan-ninginnut ilakuuniqarvuvaktunit pijitsirutiksajut atuinnautitauninginni. ITK ikajuqtuiniqput atuliqti-tauniksangata kikkutuinnait pijunnautiqarninginik Inuit Nunanganni quvvaqtittiggiaqsimaniqtigut kikkutuinnait pijunnautinginik pijunnautiqaqataugatta ammalu sapujjigiaqtiulutik maligarjuatigut ammalu maligaqutitigut aaqqiigiarutitaqaliqullugu atuliqtitittijutaujunnarajaqtunik Kanatami kikkutuinnait pijunnautiqarninginnut piliriarijaujariaqaqtunik Inuit Nunanganni. Aturniaqtavut silarjualimaamiut kikkutuinnait pijunnautilirinirni pilirianut saqqiisimalirutiksanginik silarjuarmi nunaliujulimaat ujjiusuliqtitaqullugit ajjiqaratik qanuilingannirijaujunut Inungni ammalu sapujjigiaqtiuluta Kanatami maligarjuatigut ammalu maligaqutitigut aaqqiigiarutiksait atuliqtitauqul-lugit nautsiqtuivannittinni ammalu atuliqtitausimaliqullugit atuliqtitaujariaqaqtut uvagut pijunnau-tigijavut gavamaujunit.

PILIRIANGULIQSIMAJUT

- Piliriaqaqtigilugit gavamatuqakkut atuliqtitausimaliqullugit United Nation-kut Maligaqutingit ammalu tamakkununga turaangaqataullutik Pilirianguliqtuksanut Parnautiliangusimajut
- Nautsiqtuiniqarlutik ammalu saqqiisimalirlutik United Nation-kut kikkutuinnait pijunnautiqarninginnut katimajujunut qanuilingalirningita kikkutuinnait pijunnautinginnut angrutiusimaliqut atuliqtitauvallianinginni Inuit Nunanganni
- Kajusitaulutik pisimalirasuarniujut pigiaqtitausimaliqullugit Nunaqaqaaqsimajut kikkutuinnait pijunnautiqarninginnut katimajingita ammalu naalaktigijaujut
- Quvvaqtittigiarlutik maligarjuatigut ammalu maligatigut aaqqiigiarutiksanic piliriniqarniujunut nautsiqtuivannirmi, atuliqtitivallianirmi ammalu atuliqtitinnirmi pijunnautigijattinnik

SAQQITITAUSIMALIRUNNAQTUT

- ☐ Qimirrujauttiasimalirlutik qanuilingalirningita kikkutuinnait pijunnautiqarninginnut angrutiusimajut atuliqtitauvallianinginnut Inuit Nunanganni pijariiqtausimalirlutik pilirianguningit June 2024 sivuniani
- ☐ Inuit Nunanganni kikkutuinnait pijunnautiqarninginnut angrutiusimajut atuliqtitauvallianinginnut qanuqtuurtiliangusimajut pijariiqtausimalirlutik pilirianguningit February 2025 sivuniani
- ☐ Ilingannirijaujunut titiraqtausimajut pigiaqtitausimaliqullugit nunaqaqaaqsimajut kikkutuinnait pijunnautiqarninginnut katimajingita ammalu naalaktigijaujut pijariiqtausimalirlutik pilirianguningit January 2024 sivuniani

5. Sivummugiaqtauluni Inuit nangminiq isumaliurunnarningita qaujisainiuvaktunit

Qaujisailutik piliriniuvaktut ilagijaujariaqallartitunut ilautitauvakput ikajurniqarniaqtutigit sapujjigiatuivannirmi ammalu maligaqtunik aqqiksuivallianirnut ammalu sulitunngavvigijaunginnartutik piliriarijattinnut. Piliriniqarniujut Inuit nangminiq isumaliurutiliurunnarninginnut sivullititsugit qaujisainiuvaktunit taimaak aqqiumaniaqtitaujariaqaput pijjutigillugu qaujisainiuvaktut Inuuqatitinni aturniaqtitauqullugit ammalu ikajurniqarniaqullugit nunaligijattinnut. Nalunaimmariktumik ukiuni atusaalauqtuni sivummugiaqtittisimaliqtugut Inuit nangminiq isumaliurutiliurunnarningita piliriniqarvuuqaarninginnut qaujisainiuvaktunit, ilaqarlugit kajusititausingita atuliqtitsivallianirmi Kanatami Inuit qanuqtuututitiliasimajangit qaujisainiuvaktunit, aqqiksuimalirasungnirnik silarjuaalimaami qaujisainilirinirmi piliriangukainnaqtunik, aqqiksuimaliriamut Inunnik sivuliqtiaqtutik qaujisainiuvaktunit pitsiaqtuujariaqarnimut katimajinik, ammalu kajusiinnaqtitaullutik piliriangujunut Qanuippitaa? Kanatami Inuit Aanniaqatqatillirinimut Qaujisainirmi. ITK kajusitittisimaniaqtut Inuit nangminiq isumaliurutiliurunnarninginnut sivummugiaqtitausingita qaujisainiuvaktunit sivulliqpautittisimanimiktigit nutaangullutik piliriniqarvulirunnaqtunik aqqiksuimalirasupniujunut qaujisainirmi piliriangukainnalirajaqtunik ammalu piliriangukurumajunik ikajurniqarajartunik nunaligijattinnut. Kajusitittisimaniarmijugut sapujjigiatqutinnut atautsikkuaqtitausingit qaujisainiujuni gavamatuqakkut maligaqtutinnut ammalu pinasuarusiuvaktuqtutinnut Kanatami Inuit qanuqtuututitiliasimajangit qaujisainiuvaktunit (NISR) ammalu aqqiksuinirmi piliriaqatqutunnaqtinnut qaujisainiuvaktunik ikajuqtusimallutik Inuit sivulliqpautitauqunginnut.




PILIRIANGULIQSIMAJUT

- Quvvaqtitsigiarlutik Inuit aulatsijijunnaqatqutitinnut tukisigiarviksaqtutijunik atuliqtitausingitigit Inuit Tukisigiarviksaqtutitinnut Qanuqtuututitiliasimajut
- Aqqiksuimalirasunnirnut piliriaqatqatigittitinnut sivummugiarutiuniarlutik Inuit nangminiq isumaliurutiliurunnarninginnut qaujisainiuvaktunit
- Sapujjigiatqutitinnut naammaktunik, kajusiinnaqtitaunnaqtutigit, ammalu akunniqtumut kiinauqatutiksani pisimaliriamut piruqtittivalliaqtutiksani ammalu ikajurutiksaliqtittinirmi Inuit qaujisainiuvaktunit ammalu tukisigiarviksaqtutitinnut piliriaqatqutunnaqtinnut
- Ikajuqtuiniq ammalu tukimuaktittijuniq Inuit sivuliqtutunnaqtinnut qaujisainiuvaktunit pitsiaqtututik pilirianguvalliavagiarunnaqtinnut

SAQQITITAUSIMALIRUNNAQTUT

- ☐ Inuit Tukisigiarviksaqtutitinnut Qanuqtuututitiliasimajut saqqitaututik September 2025 sivuniani
- ☐ Inuit Qaujisainiuvaktunit Piliriaqatqatigittitinnut Pilirianguvallianningit II-nginik isumaliuqtausingit July 2026 sivuniani
- ☐ Katiqsuiniq Qanuippitaa? Kanatami Inuit Aanniaqatqatillirinimut Qaujisainilirinirmi pijariiqtausingit January 2025 sivuniani
- ☐ Qanuippitaa? qaujisainirmi qaujiausingit, ilaqatqutitinnut naigligiaqsimallutik unikkaaliangusingit March 2026 sivuniani



6. Ikajuqtiuniq piusigiaqtitausimaliqlugit aktuqtausaraittuullutik Inuit qanuinnngitsianingit ammalu mianirijautsianingit

Ukiuni atusaqsamajuni, gavamagijaujut ammalu Kanatamiut ujjiirusungniqsauliqsimammata qanuilingalirniujunut aktuqtausaraittuullutik inuuqatigijattinni inunnit. Kanatami Tukisiumaliriarniujut Kinguqtausimajuit ammalu Inuaqtausimajuit Nunaqaqqaqsamajut Arnait ammalu Niviaqsiaq piluaqtumik ikajurniqalaurmata anginiqsamik tukisiumaliqtittigiarnimut Inuit arnangit ammalu surusiit aktuqtausaraittuuninginnit attanaqtunut asinginnulu qanuigutitut. Kisiani, asingit, uttuutigillugit makkuktuut ilagijauqataujuuningita turaangajunut surusilirijikkut pilirij-jutinginnit, uvvaluunniit taikkua igluqutiqaangittuit, anginiqsaujumik piliriniqarviujariaqarput. ITK ikajuqtiuniaqput piusigiaqtitausimaliqlugit aktuqtausaraittuullutik Inuit qanuinnngitsiaqtitaulariaqarningita ammalu mianirijausimajariaqarningita kajusitittinimiktigut sapujjisimainnarnimiktigut atuliqtitausimaliqlugit inungnut turaangallutik piliriniujunut nuqqaqtitausimaliqtitsiqujinimut aanniqtiqtavanningita Inuit arnangita ammalu surusingita. Kajusitittiniaqtugut tukimuaktiuvannittinnik Inuit nangminiq isumaliurutiurunnarninginnut surusirnut ammalu ilagiingujunut pijitsirarutiksaujunut. Taimalu atautsikkuurtitaqtauluni kajusititsijariaqatugut atuliqtitausimaliqlugit Kanatami Inuit Ingminiiqattaqujinnginnimut Qanuqtuurutiliangusimaplutik Parnautiliarisimajangit amisuu-jungniqtitausimaliqlugit ingminiirlutik tuqujjutiqatuinnariaqatut ilagiingujuni ammalu nunaligijaujuni.

PILIRIANGULIQSIMAJUT

- Sapujjigiaqtiuniq aaqkisuimaliqlugit gavamatuqakkut, ajjigijauunnginninginnut tunngavviqatitaullutik arnait aanniqtiqtavanninginnut maligaqutinik
- Atuliqtitauuningit Inuit Nunanganni Niqigijaksaminnik Pisimalirunnarninginnut Qanuqtuurutiliangusimajunik Parnautinik ammalu sivummugiaqtitausimalirlutik pilirianguliqsimajut ikajurutiksaulutik mikigligiaqtitausimaliqlugit akluluarniujunut ammalu piusigiaqtitausimalirlutik niqigijaksanik pisimalirunarnimut
- Kajusititausimalirlutik atuliqtitauvallingita Kanatami Inuit Imminiiqattaqujinnginnilirinirmi Qanuqtuurutiliangusimajut Parnautiit ammalu qaujigiaqsimalirlutik ikajurniqalirmangaata
- Ikajuqtuisimalugit atuliqtitauvallingiujut Kanatami Inuit Piliriangujunut Parnautiliangusimajuni Kinguqtausimajut ammalu Inuaqtausimajut Nunaqaqqaqsamajuit Arnangita Niviaqsiaqtagalu (MMIWG)
- Ikajuqtugausimalirlutik atuliqtitauvallingita Maligaqutit Upigijauqullugit Iqqiliit, Inuit ammalu Allangajuit Surusingita, makkuktuqutingita, ammalu Ilagiingujut
- Aaqkisuiniq Kanatami Inuit Akhluluaqtuuningit Mikigligiaqtitausimaliqlugit Qanuqtuurutiliangusimajunik Parnautinik
- Quvvaqtittigiarniq atuliqtitausimaliqlugit amisuitigut akituluarningita annaumajjutiksauvaktut mikigligiaqtitausimaliqlugit piliriangujut gavamaujunut

SAQQITITAUSIMALIRUNNAQTUT

- ☐ Qaujisainimut titiraqtausimajut nalunaijaisimallutik pilirijutini ilakuuniqarviujunik saqqiisimaliqtittivannimut inuusilirinirmi pijitsirarutiksani ammalu aaqqiisimalirutiujunnatuninnaringinnut iluikkaruqtitausimaliqlugit ilakuuniqarviujut pijariiqtausimalirlutik December 2024 sivuniani
- ☐ Ilingannirijaujunut titiraqtausimajut ammalu maligarjualirinirmi qanuqtuurutiliangusimajut parnautit pigiaqtittisimalirangita gavamatuqakkut, ajjigijauunnginninginnut tunngavviqatitausimallutik aanniqtiqtavanningita arnait maligaqutinik pijariiqtausimalirlutik August 2024 sivuniani
- ☐ Maligaqutilirinirmi qanuqtuurutit nalunaiqsijjitausimajunut tunngavviqatitaullutik, aturniaqatutigit annaumajjutiksait akituluaqtuuvangningita mikigligiaqtitausimaliqlugit piliriangujunik pijariiqtausimalirlutik April 2025 sivuniani
- ☐ Pijariiqtausimalirlutik qaujigiarniujut Kanata Inuit imminiiqattaqujinnginnilirinimut qanuqtuurutiliangusimajut parnautit April 2027 sivuniani
- ☐ Inuit Nunanganni akhluaqtuuniujunut Mikigligiaqtittinimut Qanuqtuurutiliangusimajut Parnautit saqqitausimalirlutik October 2024 sivuniani
- ☐ Pilirijausimajunut tunngavviquitit ammalu kiinaujaqtiksaaqtittivannirmi pilirijusiujuut aaqkisuqtausimallutik ikajuqtuijutiulutik Inuit Angirutitigut Katujjiqatigiingujut piliriniqaliqlugit aulatsijuniminnut surusilirinirmi ammalu ilagiiktulirinirmi pijitsirarutiksani pijariiqtausimalirlutik November 2025 sivuniani

7. Piliriniujut iluikkaruqtitausalimiqullugit Inuit Nunanganni aulatsiniqarvuijunut ilakuuniqarvuijuit

Kanatami kiinaujanik qiturnguqtittiniujut Ukiuqtaqtumi aulatsiniqarvuijunut kinguvaqtitausalimimata taikkunanngat tamainnit asigijanginnit Nunarjuarjaujuni Ukiuqtaqtuqutigininit. Aulatsiniqarvuijunut ilakuuniqarvigijaujuit Inuit Nunangannit ammalu amisuuniqsauullutik asinginit aviktuqsimanirijaujunit Kanataup nunarjuangani nunarjuarjattinnut naammanginniqliqsimaavut mianirijausimanginni, mikiniqsauliqtittillutik kiinaujaliurasuarutiuvaktunik pisimalingaarasuarniuvaktunut, ammalu angijualungmik aktuqtausaraittuilrunnaliqtittillutik silaup asijjiqsimalirninganik aktuqtausimalirniujunut ammalu asinginnut inuusilirinirmi ammalu kiinaujaliurasuaqpannirmi piliriaksauliqsimajunit. ITK angijumik sivummugiaqtittisimaniqaliput tamakkuninga nalunajainirmiktigut Inuit aulatsiniqarvigijanginni pisimaliqtaujariaqaqtunik Inuit Nunanganni kajusitisimaniqaavullu sapujjiqiaqattarnirik atuqpannittinnut anginiqsaujumik kiinaujanik qiturnguqtittisimalirniarmi Inuit Nunanganni aulatsiniqarvuijunut. Kajusitinniaqtavut sapujjiqiaqtunivut atuliqtausalimiqullugit Inuit Nunanganni igluliriniilmut qanuqtuuruutiullutik parnautiliangusimajut ilaqaqtillugit inungnut turaangalutik gavamatuqakkut sanirvaisimaliqullugit kiinaujaqtiksaniq asinginnut aulatsiniqarviullutik piliriniqarvuijunut, ilaqaqtillugit imarmiutalirinirmi, uqaalautitigut tusaumaqattautilirini ammalu qangatasuut ingirravanninginni aulatsiniqarvuijunut. ITK kajusilutik piliriniqarvuijuit iluikkaruqtitausalimiqullugit Inuit Nunanganni aulatsiniqarvuijunut ilakuuniqarvuijuit qaujisainiqarnirmiktigut qanuq angitgininganut, akigijaunaqaqtunut, ammalu naammangniqaqtigut pilirijutiksaujunnaqtunik aaqqiqsuinirmi aulatsiniqarviulirajaqtunik Inuit Nunanganni. Taapkua ilaqaqput aaqqiqsuinirmik kajusiinnaqtitaunnaqtuullutik, akunniqtumut piliriniulirajaqtunut gavamatuqakkunit aulatsiniqarvuijunut kiinaujanik qiturnguqtittilirutiksaniq pitaqalirutiunaqaqtunik nutaanik katiluktaarlugit aulatsijutiksaniq kiinaujanik, ilaqaqtillugit aulatsijutiksaniq ammalu aaqqumatitauniksanginnut kiinaujaqtiksaniq, ammalu piruqpalliajutiunaqaqtunik piliriaqtaqtujunnarnittinnut parnautiliurnittinni, tautturiniaqtanginik aaqqiqsuinittinni, piruqtittivallianittinni, ammalu aaqqumatittinnittinni Inuit aulatsiniqarvuijunut piliririjanginnik.



PILIRIANGULIQSIMAJUT

- Sapujjiqiaqtaullutik pisimalirniarmi kiinaujatigut ikajurutiksaaqtaarsimaliqullugit Inunnut nalunajaqtausimallutik ammalu sivuliqtiaqsutik silaup asijjiqsimalirninganut aaqqimalirniarmut ammalu piluarungniqtittigiarnirmut qanuqtuuruutiangusimajunik parnautiliurnirmi
- Pisimalirasuarlutik qularnarnanngittunik, akunniqtumut ajigijaunnginnirnut tunngavviqaqtitausimallutik kiinaujaqtiksaniq pisimalirutiuvanniaqtunik ungataanuqaqtitausimavaglutik maannaajumi pisimaliqittivanniujuunit Nunaqaqqaqsimaajuit Nunaliujuni Aulatsiniqarvinginnut Kiinaujaqtiksaniq
- Pisimalirlutik aulatsijutiksaulutik ammalu aaqqumatittijutiksaniq pilirianut kiinaujaqtiksaniq Inuit aulatsiniqarvigillugit piliriangukainnaqtunut
- Piruqtittivallialutik ammalu angiglitittigiarlutik piliriaqtaqtujunnarnirmut parnautiliurrunnarnirmik, tautturiniaqtainik aaqqiqsuijunirmut, ammalu piliriaqarunnarnirmik aulatsiniqarviullutik piliriangukainnaqtunut Inuit Nunanganni
- Ikajuqtuullutik aaqqiqsuinirmut aviktuqsimanijumi aulatsiniqarvuijuni pijausaliriaqaqtunik qaujigartauninginnut
- Tiliurilutik piliriaqtaqtigijunuk United Nation-kut Tunngavviquitiliurnirmut Katimarjuaqtunut Silaup Asijjiqpallianinganut angigligiaqtitausalimiqullugit ilagijauqataujunnaqtut Aaqqimalirniarmut Kiinaujaqtiksaniq aulatsiniqarviullugit inungnut ammalu ilitarijausimanginnut pijutiqaqtigijaujuit Nunaqaqqaqsimaajuit aviktuqsimananginni Piliriaqtaqtuqatauninginnik
- Quvvaqtittigiarlutik aulatsiniqarviullutik piliriangulirumajunik ammalu atuliqtaujunnaqsutik ilinniarutisimalirunnaqtunik Inuit Nunangannirmiunit ammalu asinginnit aulatsiniqarvuijunit

SAQQITITAUSIMALIRUNNAQTUT

- ☐ Isumaliurutiit angigligiaqtitausalimiqullugit ilagijauqataujunnaqtunut United Nation-kut Tunngavviquitiliurnirmut Katimarjuaqtunut Silaup Asijjiqpallianinganut kiinaujaqtiksaniq aulatsiniqarviullutik ammalu kiinaujaliriniarmi timiqutuijunut ilaqaqtitaullutik ilagijauqataujunnaqtunut Nunaqaqqaqsimaajuit United Nation-kut Tunngavviquitiliurnirmut Katimarjuaqtunut Silaup Asijjiqpallianinganut (UNFCCC) ilagijauliqtunut pijariqtausalimirlutik November 2024 sivuniani
- ☐ Atuliqtaujunnaqsutik qularnanngittunik, akunniqtumut ajigijaunnginnirnut tunngavviqaqtitausimallutik kiinaujaqtiksaaqtittivannirmut isumaliuqsimalirlutik June 2025 sivuniani
- ☐ Nalunajainiq ammalu akigijaunaqaqtunut aulatsiniqarvuijunik ammalu aaqqumatittinirmut kiinaujaqtiksaniq pijausaliriaqaqtunut Inuit aulatsiniqarvigijanginni piliriangukainnaqtunut November 2024 sivuniani
- ☐ Titiraqtausimajuqutunik nalunajaisimajunik aviktuqsimanijunit ajigiittutuqarmangaaq aulatsiniqarvuijunit pijausaliriaqaqtunik pijariqtausalimirlutik June 2025 sivuniani



ᐃᓄᐃᑦ ᑕᐱᓃᑦ ᑲᓄᑕᑦ
INUIT TAPIRIIT KANATAMI

Inuit Tapiriit Kanatami
75 Albert Street
Suite 1101
Ottawa, Ontario
Canada K1P 5E7

 **613.238.8181**

www.itk.ca